

*Танара биһигини таптыырын,
бу аан дойдуга соботох Уолун, биһиги Кининэн
олоххо тиксэрбит туһугар, ытан, биллэрбитэ.
(1 Ин. 4, 9)*

**Сибэтиилээхтэн сибэтиилээх үрдүкү аҕабыттар,
ытык аҕалар, дьонуннаах манаахтар,
күндү биир итэҕэллээхтэрбит бука бары!**

Бу дойдуга Киһи буолан төрөөбүт Танара Уолуттан ис сүрэхпиттэн үөрэн туран, эһигини бука барыгытын сырдык уонна олох бырааһынныгынан – биһиги Айыы Тойоммут уонна Быыһааччыбыт Ороһуоспатынан – эҕэрдэлиибин.

«Үрдүк халлаанна – Танараҕа айхал, сиргэ – эйэ-ил, дьонно-Танара үтүө сыһыана!» (Лк. 2, 14). Сылтан сылын аайы Быыһааччы биһиэхэ тылынан этиллибэт аһыныылаах сыһыанын айхаллаан, хаһан эрэ Аанһалтан «бар дьонно буолар улуу үөрүүнү» (Лк. 2,10) истибит Вифлеем бостууктарынан курдук, биһиги эмиэ Мессияны духуобунай харахпытынан көрөөрү тиэтэйэбит. Кини кэлиитин ааттаах-суоллаах бороруоктар өтө көрөн этэллэрэ, халыан элбэх эр дьон, дьахталлар кэтэһэллэрэ.

Дьэ онтон, Аггей бороруок тылынан, *бары норуот Баҕалааҕа* (Агг. 2, 7) *Бэйэтин аччатынан – кулут уобараһын ылынан, киһи курдук көрүгүнэнэр* (Флп. 2, 7). Аан дойду Баһылыга Бэйэтигэр

император дыбарыаһын да, бу дойду баһылыктарын дьиэлэрин-уоттарын да, баайдар уонна биллиилээхтэр сиэдэрэй уорабайдарын да талбат. Киниэхэ бэл хоноһо түһэр дьиэтигэр миэстэ көстүбэт. Танара Уола сүөһү турар хаспабар төрүүр, сүөһү аһыыр күкүрэ Кини биһигэ буолар.

Танара баайа сыдыаайан көстүбүт ол хаспабыттан уонна онно баар оҕо суутуттан ордук дьаданы уонна судургу туох баарый? Биһиги быһыһаныбыт Кистэлэннээх дьайыытын онгороору, *быстар дьадайыы туругун* талан (бырааһынньык туран эрэ истиллэр хос ырыата), Христос биһиги дойдубутугар олус суолталанар сыаннастары: былааһы, баайы-дуолу, албан ааты, биллэр-көстөр төрүттээх-уустаах буолууну уонна социальнай статуһу – соруйан ылбат. Кини олох атын сокуонун ыларга биһиэхэ сүбэлиир – улаханньык туттунууну, өһү-сааһы кыайар сытыары майгы уонна таптал сокуонун. Бу сокуонунан, киһи мөлтөх туруга Танара илгэтин кытта холбоспута туохха да, кимиэхэ да кыайтарбат сүдү күүс буолар. Бу күүһү бэл аан дойду былаастаахтара да, кыахтаахтара да кыайан утарбаттар. Танара күүһэ, сирдээҕи улуутуйууга, олох-дьаһах талымыгар буолбакка, сүрэх судургу, сытыары сымнаҕас туругар көстөр.

Айыыга холоонноох Серафим Саровскай этэринэн, *«Айыы Тойоммут Танараҕа уонна бар дьонно таптала толору ингэриммит сүрэҕи көрдүүр, ол – Кини таптаан олорор бөрүстүөлэ... “Уолум, Миэхэ сүрэххин аҕал, – диир Кини, – онтон атынын барытын Мин Бэйэм эйиэхэ биэриэм”, тоҕо диэтэххэ киһи сүрэҕэр Танара Саарыстыбата батан киирэр кыахтаах»* (Христианскай олох сыалын туһунан бэсиэдэ). Танара быстар дьаданылартан, дьиэтэ-уота суохтартан сиргэммэт, аҕыйах харчылаахтары, киһи ымсыырбат үлэлээхтэри абааһы көрбөт, Кини хаһан да эт-сиин өттүнэн омсолоохтору эбэтэр ыараханньык ыалдьар дьону аахайбакка ааһа бара турбат. Ити ыарахаттар киһини Танараҕа чугаһаппаттар да, Киниттэн араарбаттар да, онон ити барыта киһи санаатын түһэрэн киһини алдьатыылаах мунур уһукка тиэрдие суохтаах. Быһыһааччы биһигини дьын бэйэбитин көрдүүр. *Уолум! Кыһым! Сүрэххин Миэхэ биэр, – диэн ынырар Кини* (Соломон аман өһө 23, 26).

Ороһуоспа дьиктилээхэй бырааһынньыга биһиги Христуһу халбаннаабакка батыһахтаахпытын өйдөтөр, оттон Кини биһиэхэ *олоҕу – толору олоҕу – биэрээри* кэлбитэ (Ин. 10, 10), Кини

Бэйэтэ – соботох сөптөөх суол, тулхадыйбат кырдьык уонна дьиннээх олох (Ин. 14, 6). Онон, биһиги олоххо хайаан да көрсөр ыарахаттарбыт биһигини салыннарбатыннар, биһиэхэ түһэр тургутуулар биһигиттэн кими да булгуруппатыннар, тоҕо диэтэххэ Танара биһигини кытта! Танара биһигинниин, онон биһиги олохпутуттан куттал киэр тэйэр. Танара биһигинниин, онон биһиги дууһабыт уоскуланы булар, үөрүүнү билэр. Танара биһигинниин, онон биһиги Киниэхэ бигэ эрэлбитинэн сирдээҕи айаммытын салгыыбыт.

Христуһу батыһан, киһи бу дойду олоҕун майгытын утары барар. Кини ханнык да ымсыыга бэриммэт уонна суолугар көрсөр аһыы моһолун сорунуулаахтык туораан ааһар. Биһигини Танараттан аһыы тэйитэр, чуолаан аһыы биһиги олохпутун дьин чаччы аһыылаах-абалаах гынар эбээт. Чуолаан аһыы, Танара тапталаһын сырдыгын күлүктээн, биһигини энин араас иэдээнгэ анньар, сүрэхпитигэр дьонго өһү-сааһы үөскэтэр. Оттон аһыыны-хараны Сиэркэп нөҥүө биһиэхэ бэриллэр Сибэтиэй Тыын илгэлээх күүһүнэн кыайылар. Танара күүһэ, биһиги ылыннахпытына, ис эйгэбитин уларытар, Айыы Тойон көңүлүнэн тас эйгэни уларытарга эмиэ көмөлөһөр. Онон биир сомоҕо түмсүүттэн арабар дьон хатан эрэр отонноох мастыы, үтүө үүнүүнү биэрэр кыахтарын сүтэрэллэр.

Мин бүгүн Украина олохтоохторугар ураты тылы этиэм этэ. Украина сиригэр убайдыы-бырааттыы өлөрсөр утары туруута Сиэркэп биир итэҕэллээхтэрин, сүрэхтэригэр өһү-сааһы олохсутан, араартыа суохтаах. Дьиннээх христианин кими даҕаны – чугас да, ыраах да баар дьону – абааһы көрөр кыаҕа суох. *«Эһиги истибиккит, – Айыы Тойон Кинини болҕойооччуларга туһулаан этэр, – туох этиллибитин: чугастааһыгы таптаа уонна өстөөххүн абааһы көр. Оттон Мин эһиэхэ этэбин: өстөөхтөргүтүн таптаан, ... оччоҕо Халлааннааһы Аһаһыт уолаттара буолуоххут, тоҕо диэтэххэ Кини күнүн сырдыгын үтүөбэ да, мөкүгэ да барытыгар тыктарар* (Мф. 5, 43-45). Биһиги бука барыбыт олоҕо Быыһааччы бу этиитинэн салалыннын, атыттарга өстүүү, кинилэри абааһы көрүү биһиги сүрэхпитигэр хаһан да уйаламмытын.

Элбэх омуктаах Русь Православнай Сиэркэбин бары биир итэҕэллээхтэрин, Украинаҕа өстөһүү түргэнник уонна бүтүннүү суох буоларыгар, сэрии дьонго эт-сиин да, духуобунай да өттүнэн онорбут бааһа үтүөрэригэр, уһулуччу анаан үнэргэ ынырабын.

Тангара дьизитигэр да, бэйэбит дьизитигэр-уоппутугар да сылдьан, бу туһунан Танараттан ис сүрэхпиттэн көрдөһүөхпүт, биһиги дойдубуттан ыраах олорор, сэриилээх иирсээнтэн муну-сору көрөр христианнар тустарыгар эмиэ үнүөхпүт.

Бар дьону мунура суох таптаан сиргэ үтүө көнүлүнэн кэлэргэ санаммыт Быһааччыбытыгар, Айыы Тойоммутугар махтанан, бу Ороһуоспатаабы сырдыгынан сыдыайбыт түүн, онтон да салгыы сибэтиэй күннэргэ Киниэхэ уруй-айхал этиэбин. Библияҕа кэпсэнэр илинтэн кэлбит муударай дьон курдук, биһиги эмиэ Тангара Оҕоҕо Христоска бэлэхпитин биэриэбин: кыһыл көмүс оннугар – ис сүрэхпит тапталын, лаадан оннугар – итии өлөннөөх үнүүбүтүн, смирна оннугар – чугас да, ыраах да баар дьоммутугар кыһамнылаах үтүө сыһыаммытын.

Эһигини күндү дьоммун, Ороһуоспа сырдык бырааһынньыгынан, ону тэнэ үүммүт Саҥа сылынан эбэрдэлээн, бука барыгыт туһугар ис сүрэхпиттэн үнэн туран, эһиэхэ Улуу Бэлэхтээх Айыы Тойон Танарабыт Иисус өлгөм көмөтүн, үгүс үтүөтүн баҕарабын. Аминь.

МОСКВА УОННА БҮТҮН РУСЬ ПАТРИАРХА

Христос Ороһуоспата,
2015/2016 с.
Москва к.